

持一切衆生數數看視數令成就一切衆生
令願滿足觀世音菩薩白佛言世尊我爲利
益護念一切衆生故我今受持爲令一切願
成就故讀誦明呪諸願成滿是故世尊我今
誠諦唯願世尊慈悲加護

能四

十七

觀世音菩薩如意摩尼陀羅尼經

觀自在菩薩如意心陀羅尼呪經

唐三藏法師義淨奉詔譯

如是我聞一時薄伽梵在伽栗斯山與大菩
薩無量衆俱爾時觀自在菩薩摩訶薩來詣
佛所頂禮雙足右繞三匝以膝著地合掌恭
敬白佛言世尊我今有大陀羅尼明呪大壇
場法名青蓮華頂栴檀摩尼心金剛祕密常
加護持所謂無障礙觀自在蓮華如意寶輪
王陀羅尼心呪第一希有能於一切所求之
事隨心饒益皆得成就世尊大慈聽我說者

我當承佛威力施與一切衆生世尊此陀羅尼有大神力大方便門我今親對佛前次第宣說惟願世尊垂哀加護於我及一切持明呪者兩妙珍寶猶如意樹生如意寶珠於諸衆生令其所有希求應時果遂爾時世尊讚觀自在菩薩言如是如是汝能悲愍諸有情類我加護汝即對我前令汝願求一切滿足汝欲宣說無障礙觀自在蓮華如意寶輪王陀羅尼者最極甚深隱密心呪隨汝意說時觀自在菩薩既蒙佛許悲願盈懷即於佛前

以大悲心而說呪曰

南無佛馱耶 南無達摩耶 南無僧伽耶

南無觀自在菩薩摩訶薩 具大悲心者

怛姪他 菴所羯羅伐底 震多末尼莫訶

鉢蹬謎 嚕嚕嚕嚕 底瑟佉 篇八攤

痾羯利沙也 吽發莎訶

次說大心呪

菴鉢踏摩 震多末尼 篇同攤吽

次說隨心呪

菴跋刺陀鉢亶謎吽

爾時觀自在菩薩摩訶薩說是大輪陀羅尼咒王已即時大地六種震動諸有天宮龍宮及藥叉宮健達婆阿蘇羅緊奈羅等宮殿亦皆旋轉迷惑所依一切惡魔爲障礙者見自宮殿皆悉燄起無不驚怖惡心衆生惡龍惡鬼藥叉羅刹皆悉顛墜於地獄中受苦衆生皆悉離苦得生天上于時會中於世尊前天雨寶華寶莊嚴具於虛空中奏天妓樂出種種聲廣陳供養爾時世尊以美妙音讚觀自在菩薩摩訶薩言善哉善哉觀自在汝所宣

說是大咒王實難逢過能令衆生求願滿足獲大果報若誦此咒所有法式我今當說若有善男子善女人苾芻苾芻尼鄔波索迦鄔波斯迦發心希求此生現報者應當一心受持此咒欲受持時不問日月星辰吉凶并別修齋戒亦不假洗浴及以淨衣十九但止攝心口誦不懈百千種事所願皆成更無明咒能得與此如意咒王勢力齊者是故先當除諸罪障次能成就一切事業亦能銷除受無間獄五逆重罪亦能殄滅一切病苦皆得除差一

切重業悉能破壞諸有熱病或晝或夜或一日瘡乃至四日瘡風黃痰瘰三焦嬰纏如是病等誦咒便差若有他人禪魅蠱毒悉皆消滅無復遺餘假使一切癰癭惡瘡疥癩疽癰周遍其身并及眼耳舌脣口牙齒咽喉頂腦胃脅心腹腰背脚手頭面等痛支節煩疼半身不隨腹脹塊滿飲食不銷從頭至足但是疾苦無不痊除若有藥叉羅刹毗那夜迦惡魔鬼神諸行惡者皆不得使亦無刀杖兵箭水火惡毒惡風雨雹怨賊劫盜能及其身亦

無王賊無有橫死來相侵害諸惡夢想魃蛇蝮蠍守宮百足及以蜘蛛諸惡毒獸虎狼師子悉不能害兵戈戰陣皆得勝利若有諍訟亦得和解若誦一遍如上諸願悉皆遂意若日日誦一百八遍即見觀自在菩薩告言善男子汝等勿怖欲求何願一切施汝阿彌陀佛自現其身亦見極樂世界種種莊嚴如經廣說并見極樂世界諸菩薩衆亦見十方一切諸佛亦見觀自在菩薩所居之處補怛羅山即得自身清淨常爲諸王公卿宰輔恭敬

供養衆人愛敬所生之處不入母胎蓮華化
生衆相具足在所生處常得宿命始從今日
乃至成佛不墮惡道常生佛前爾時觀自在
菩薩白佛言世尊此梅檀心輪陀羅尼如我
所說若苾芻苾芻尼鄔波索迦鄔波斯迦若
有至誠心所憶念能受持者必得成就惟須
深信不得生疑更有藥法在本
藏中此隱不出爾時世尊讚
觀自在菩薩言善哉善哉汝大慈無量乃能
說此微妙如意心輪陀羅尼法於瞻部洲有
諸衆生發心口誦即得親驗汝依我教於諸

有情數數勤加策勵示誨令得證驗爲現其
身莫違我勅我當隨喜時觀自在菩薩白佛
言世尊我於無量劫來以慈悲心於受苦衆
生常作擁護唯願證知爲衆生故說此如意
輪陀羅尼若有受持常自作業專心誦者所
願成辦我今承佛威力如是救苦爾時觀自
在菩薩說此如意輪陀羅尼經已一切大衆
皆悉歡喜信受奉行

觀自在菩薩如意心陀羅尼咒經

音釋

華莫切 仆芳遇切 癢徒含切 疥匹交切
落蓋切 癢古禾切 痒以兩切 寇苦候切 胞匹交切
憲張虛偃切 幘車上切 華畢吉切 癩胡問切
數並所宅切 啜陟駕切 啜昌劣切 竄七亂切 驗奄居切
下目上切 癩能四切 癩琰切 癩於郢切 疽七余切 癰溪切
脹知亮切 痊此緣切 癰頸痛也 疽七余切 癰溪切